

2051

24 NOV 1950



圖

說



宣化府所屬產硫磺烟煤各山東西長七十餘里南北闊三十餘里  
惟長煙屬懷來餘皆屬宣化硫磺並產富旺質佳煉以供軍火  
製造之需






領辦宣化府屬礦醕親王府頭等護衛 都爾孫

同知銜國史館收掌官 英泰

北用選用同知 徐之祚

藍翎五品銜選通判 葛斌









擬辦宣化府等處礮煤文件全錄

原稟

奉批

查文

覆文

府詳

縣詳


各函

章程



訓讀要略 孤子之語 歌文 和士 和







光緒二十九年四月十八日上

直督袁宮保稟

稟為備本試採宣化府之保安懷來二屬毘連之雞鳴驛硫磺以供要需而濬利源叩懇

恩准賞諭遵辦事竊查近日請辦礦務者皆稱興利致富之謀振奮思強之舉總未思及採煉硫磺中國寶產力猛火速推重發達甲於歐洲之上近因偷煉之徒選精售之外洋劣者私販本地乃我國習而不察反以外購為優熟知仍屬趙璧據該處土人云前有洋人購買全



山恐有滋事未敢出售並詢悉他人無煙火藥盡取於此是其久已垂涎實有其人之器而制其人之身竟為執迷不悟反道稱揚有使人腹笑之勢極應採歸自用者也如辦此礦必須慎搭洋股以杜旁溢難禁之患往往公家但知禁止私偷未究其塞源絕流之道惟私販者利之所在人所必趨有防不勝防之弊然此物有利於民用者亦溥如入藥以療瘡疾施之棉花布疋以澄潔白成之花炮鎔銷以便速燃攬之耕種以避虫患是有大益於民乃使絕之匪易如私煉之禁愈嚴則偷販

之技愈巧若非有避禁私運之徒其民用何時見有商賈載而投稅者似此漏卮不知凡幾其先年有昌平州屬之雞冠山礮爐院經商開辦祇以私礮充斥官礮滯銷賠累無法呈報嗣老山空因之中止而私煉者以無官商銷路更為暢旺日間駁馱相繼不絕且查是物各省皆產而販者專以此礮為最乃近年出洋尤多俯思他處如能伯仲之抗何至冒法而來其優劣不言可喻矣前值庚子亂後請辦者亦復不少而皆未審是物有關利鈍於國者大卑職等愚以為此礮與金銀異切不



可竟以興利目之而且資敵用者要設如永禁不開不免使守禁令者固執私販藐法者為公然與其難禁於私偷莫如明文而開辦況近來外洋禁我中國購置亦是不使中國有其利器也然我之寶產豈能反使其以利敵者乎如雞鳴驛者較礪爐院山足工省運易價廉該山線脈廣長六七十里寬濶三十餘里其中附近有煤產燒錫罈煉礪必用之物乃其地距京三日之程其產足資國用斷無缺乏之慮如設廠開採精選極上之品以供南北洋軍火製造機汽局並備各省槍炮廠

委員購取之需其不堪公用之劣礪只能入藥民用售之商販令其具有妥保授其發票印單方准出廠以期詳慎而裕稅源除此公廠之外概禁再請開設以杜淆混而歸畫一實利公便民之良圖絕敵禁私之善法也  
俯念

宮保公忠體國大局為懷凡於益國益民之作無不權宜而興此礪礪實濟火器之要物值此

宮保政操中外統制全軍逢庚子萬世銜恨之秋乃今朝百廢維新之日於製造更屬目前急務卑職等食毛踐土



無時不存思存強報本之心雖無位無才願効懷鼓持  
枹下吳之志是以於煉礪要圖體查優劣留心採取確  
得底蘊故不揣冒昧擬章據情稟請備本試採但事屬  
荒山創設請為先行試辦一年限期滿後如果暢旺即  
行報請照章升課斷不敢稍有隱瞞如蒙

恩准懇請賞發札諭並請

飭下該管州縣一體遵照辦理實為公便施行

計呈章程清摺一扣

謹將請辦雞鳴驛硫礪擬章呈

覽

一查宣化府之保安懷來二屬雞鳴驛距京三日之程  
其山脉絡延袤七十餘里中有煤窑產燒銅罈於煉  
礪必用之物據礪工熟手云是山苗線暢旺每日可  
煉百爐煤銅捷便工本減省足資百年源源採取  
一於產礪之區擇中設立總局賬房延請司事招募煉  
礪熟手充當頭目令其分設煉礪用人打砂食物工  
價均由總局賬房供給每月清算一次繕呈總簿以  
備稽核



一有原在礪爐院工頭李永才張宗賢徐安國等聲稱  
伊煉礪多年一切熟習今在雞鳴驛附近住家深知  
私販之事並言前有洋人欲出資購買金山土人恐  
有招禍未敢允許

一方皆願着伊等領本開煉免得竟招外人私偷亦可  
報効國家今擬派充頭目

一設立總分各廠外另募護勇於走私要隘安設卡撥  
緝巡私運並查售商之劣礪從中有無隱匿匪人混  
迹其間以期慎重

一每日所出之礪統為過秤入賬分選上精者歸國家  
製造局之用存儲以備各處來文行取其擇出之次  
劣者另存歸入商貨定價出售以作局費之需  
一局中每日所出之砂煉成之礪分為等第於用本花  
費統算定為價值以十成總算以二成報効國家以  
四成作為護本以四成作為局費各員薪水人工花  
紅之需至各省製造廠委員購取悉照明文定價計  
算其局中盈虧均歸出資總辦承擔並不有累公家  
一出售商販之劣礪過秤書單該客運往何處載於根



簿發單註明如經過關權稅口照例呈單納稅

一礦廠山主地戶其係永世之業不能歸局購買今分別作為大小股份年終統算除報効公欸外餘利按股分潤以順輿情

一立局採礦雖官辦而仿私作方能除弊按照商鋪出入賬目絲毫不准妄費年總月總登簿稽核報効皆出礦斤至其有無出售多寡數目有無盈餘虧絀皆不干預公項免於造冊報銷如試辦期滿報請升課以重欸項

一奉准設廠事繁任重請發木質圖記文曰辦理宣懷礦局圖記於文件鈐用以昭信守

四月三十日上夾單稟

敬稟者竊卑職等前於本月十八日曾將擬請備本試辦宣化府雞鳴驛毘連之山疏礦情形並酌擬章程十條稟呈

鈞鑒諒已仰邀

慈覽惟是創辦之舉不厭詳求庶幾成効可期而免中輟之患連日詳加考究並將礦樣呈請總辦機器局王道



飭匠驗試據稱礮質極佳將來開辦淨煉實較外洋所  
產為優用作軍火之需允稱上品卑職等復於採煉用  
本通盤籌核其價與洋礮有減無增如蒙

恩准則化私歸公裨益良非淺鮮茲將礮樣分為三等呈  
請

批示祇遵施行肅此具稟敬請

勛安伏乞

垂鑒

五月初十日奉

袁宮保批據稟並礮樣均悉前據該員等具稟擬在保安懷  
來二屬毘連雞鳴驛間採硫礮當以有無窒碍札行宣  
化府查明核議尚未具覆仍候該府迅速查明妥議詳  
覆核奪此批

宣化府詳文

直隸宣化府為詳覆事光緒二十九年五月初一日奉

憲台札開據護衛都爾蘇等具稟擬備本試辦雞鳴峪硫  
礮請查核示遵並送章程等情到本督部堂擬此除批  
據稟並章程均悉該職等擬在保安懷來二屬毘連之



雞鳴峪開採硫磺有無窒碍候行宣化府查明核議具覆此批等因榜示外合行札飭札到該府即便查照辦理此札計粘抄稟摺等因奉此遵即飭據保安州江收懷來縣周令先後查得該二州縣轄境並無雞鳴峪惟宣化縣所轄有雞鳴山又名雞鳴驛想係雞鳴峪之誤等情申覆當經札飭宣化縣查明核議關於五月十七日續奉

憲台札開據護衛都爾蘇等稟送雞鳴峪磺樣可否試辦請示遵辦等情到本督堂據此除批據稟並磺樣均悉

前據該員等具稟擬在保安懷來二屬毘連之雞鳴峪開採硫磺當以有無窒碍札行宣化府查明核議尚未具覆仍候行該府迅速查明妥議詳覆核奪此批計粘抄稟等因奉此復經札飭宣化縣迅速查明妥議詳覆去後茲於閏五月二十一日據調署宣化縣知縣謝愷詳稱遵即差傳卑縣雞鳴驛鄉約趙廷彥到案訊明卑縣與懷來保安接壤之雞鳴驛村外有雞鳴山一座該處只有煤窑並不出產硫磺暨有土人開採情事當經卑職取具該鄉約不敢隱匿捏飾甘結附卷惟查縣屬



南方距城六十里與懷來縣屬長曠堡毘連之王家樓村並距城八十五里之西窑溝均向有磺窑前於光緒十七年間奉前

督憲李飭查縣屬王家樓村所產硫磺能否開採經卑前縣王令查明該處因出磺甚微恐難收效具文詳覆未經開採在案茲查該護衛都爾孫等稟所指卑縣雞鳴峪產磺是否係屬王家樓村等之訛卑職隨飭差將王家樓村散約白吉並西窑溝鄉約郭占成傳案訊據散約白吉供稱伊王家樓村離雞鳴山六十里伊村外

有土山一座向有磺窑十來處早因硃老山空無人私挖現查只有一處磺窑尚可開採但恐出磺甚微又訊據鄉約郭占成供稱伊西窑溝村外約有三四里有土山一座原有磺窑十來處前經土人開挖嗣因出磺稀少不敷工資早經無人私開近來只有三處磺窑尚可開採現在一處水佔僅有二處出磺恐不甚多各等語據此卑職覆查魚異伏查卑縣王家樓村並西窑溝兩處產磺之處均經卑職查明多係硃老山空近來出磺甚微該護衛都爾孫等原稟所指請開磺窑之區又非



在該兩處地方究竟該處硫磺能否開採應請飭令該  
護衛都爾蘇等自邀熟悉硫磺礦師馳赴該處勘明如  
可開採再由卑職細查有無窒碍另文繪圖詳覆所有  
遵飭查卑縣雞鳴峪並不產磺只有縣屬王家樓並西  
窑溝兩處出磺緣由擬合據實詳覆查核轉覆等情到  
府據此卑府覆查護衛都爾蘇稟請試辦雞鳴峪硫磺  
之處既據保安懷來各牧令查明雞鳴峪即係宣化縣  
屬雞鳴山並據宣化縣謝令查明雞鳴山並不產磺該  
縣王家樓村並西窑溝產磺之處亦均查明多係銅老

山空近來出磺甚微而護衛都爾蘇等稟指開磺之區  
又不在該兩處地方究竟該處硫磺能否開採應請准  
如該縣所請飭令該護衛都爾蘇等自邀熟悉硫磺礦  
師前往各該處勘明如可開採再由該縣查明有無窒  
碍另文繪圖詳請核辦除詳批示外擬合據情詳請  
憲台查核俯賜批示祇遵為此備由具呈伏乞

照詳施行

六月初十日奉

宮保札飭事案查前據該護衛等來津具稟擬在保安懷來



二屬毘連之雞鳴峪開採硫磺等情當經札飭宣化府查明有無窒碍詳覆核奪在案茲據該府詳稱飭據該州縣查明雞鳴峪即係宣化府雞鳴山該處並不產磺惟王家樓村並西窑溝村有產磺之處多係峒老山空近來出磺甚微究竟能否開採應飭該護衛等自邀熟悉硫磺礦師前往各該處勘明如何開辦再由該縣查明有無窒碍繪圖詳辦請查核等情前來除詳批示外合行札飭札到該護衛即便查照此札

計粘抄詳

十月三十日上

宣化縣謝叔藩明府函

叔藩仁兄大人閣下弟等請採

貴治硫磺上充國用下便商民化私歸公以裕稅課仰蒙

直督憲准以飭查復荷查明詳覆經

督憲札飭令弟等自帶明白硫磺礦師往驗如果堪採稟覆辦理等因弟等奉札後不能不詳慎妥覓諳練磺礦之人如用洋師恐山民未覩而驚只得延聘華師據



稱彼時正值山水漲發草蕪滿澤大非驗礦之時必待  
秋末草枯目力可極思之言近於理且施工須本尤得  
驗有把握方免有疏失之慮於月念日馳抵王家樓西  
窑溝等七村逐一履勘而該山線脈綿遠苗質暢佳惟  
是處貧民挖煉者不乏審度其情萬山環時無田可耕  
藉此得以餬口無如盡在沿皮挖掘見水而廢若求美  
質非取深不能得見佳礦此硐空水滿之病莫不皆由  
於力微之故今邀集該處鄉約暨各村公正土人詢悉  
此山只產礪煤並無田廬坟墓僉謂如開礪煤本地苦

人有活可作一方黎庶輿論熙然竊思民為邦本食為  
民天既得可勤之業且無碍於田廬想

仁者愛民自必為之心動況在利國利民之盛舉者乎今  
謹將礪師眼同各鄉約驗得該山一帶礪質煤硐各窑  
情形繪圖說敬懇

轉詳如能早為開辦則於地方大有裨益矣特此肅懇敬  
請

升安惟希

鑒照不具



宣化縣謝叔藩明府致懷來縣周子勛明府函

子勛仁兄大人閣下謹啟者茲有

醕邱護衛都爾孫甫潤田同知職銜英泰甫華三選用  
通判葛斌甫晉卿者奉

宮保札飭絜同礦師前來宣屬查勘敝境王家樓西窑溝  
一帶有無產礦之處審視詳明如可開辦即行通知該  
管州縣查明有無窒碍繪圖貼說詳請查核等情現據  
潤田兄等絜同礦師親至該處履勘查得敝境自王家  
樓至西窑溝止歷經七村聯綿七十餘里線脉綿遠礦

苗均極暢旺詢諸各村鄉約土人僉謂此山只產礪煤  
並無田廬坟墓如開挖礪煤本地苦人有活可作藉以  
謀生輿情甚願繪圖貼說致函前來弟查圖內所開七  
村內有常曠堡一村係

貴治所轄與敝境各村犬牙相錯當經會同潤田兄等謁

見本府憲面稟一切蒙諭此事開辦如果礪苗暢旺輿  
民樂從自可詳請舉辦但事必須審慎始圖終該處山  
村綿長七十餘里開辦之後果與風土人民有無妨碍  
地方大局有無流弊必須該管地方官親身前往確切



查明方昭慎重該處山村既係宣化懷來兩縣所轄自應飭由弟與吾

兄訂期會勘究竟如何情形據實稟明以便轉詳等語弟等奉諭後本擬專函奉商因

葛三君擬先行回京聽候我等查詳如果准行於明春再行前來開辦回途道經

貴治用特肅函並所繪圖說封固託便帶呈兼可趨詣琴堂面談一切吾

兄何時得暇訂期何日約於何處會齊以便履勘即祈

示知俾有遵循是所盼禱專此布達敬請

升安伏候

回玉不宣

十月二十二日復謝宣化府王印守宣化縣謝印

懷來縣周印世銘

叔藩大人閣下鳳仰

鴻儀得親

鶴範叨

卹厨之盛設拜



大教以良多別來耿耿馳戀依違企

黃堂傾忱私頌弟等拜辭就道一路捐平抵都以來未忘雅意但受始終之成全皆出

隆情之美賜弟等於月之十八日赴津稟覆如

尊處公牘簽行望祈底稿見

示以便遵循是所盼禱肅此先鳴謝悃敬請

勛安諸惟

垂照不宣

十一月二十八日上

直督稟

宮保鈞前敬稟者竊

卑職

等以備本請採宣化府硫磺當蒙

飭查經該府稟覆復奉

鈞札飭令

卑職

等自帶明白礦師往驗如果苗旺無碍稟

覆辦理等因

卑職

等遵即妥覓諳練礦之人如用洋

師恐村民罕覩見而驚嚇只得延聘華師據稱被時山

水漲發青蕪滿澤大非驗礦之時必待秋末草枯目力

可極得以踏踎

卑職

等於冬初邀同礦師赴該山產礦

一帶逐細履勘自宣化府屬之胡家莊羅家莊大石莊



王家樓槐樹溝西窑溝並懷來縣屬之常團堡等七村  
莊之山盡產礦煤線脈綿遠苗暢質佳並無田廬坟墓  
當將王家樓西窑溝現有貧民燒煉最旺之處齊集鄉  
約郭占成白吉暨村紳等確為詳詢聲言村民地處荒  
山無田耕作貧民藉此為生竟於沿皮掘挖祇能餬口  
如深採砂旺村民無力且畏於私如經官大作有活一  
方黎庶卑職等協同礦師驗脈審砂並詢土人僉稱無  
異輿論熙熙竊思民乃邦本既可益民兼能利國且絕  
外人覬覦之患驗訖考核詳確繪圖說商同宣化府縣

請為復查據情轉詳以便遵辦其該山貧民私挖礦窑  
各峒見水即廢山非空老如若採辦必須啟水開道大  
施工力方能有效伏思煉礦實利國之要圖較與金銀  
之礦專於言利者不同而本鉅利微情同報效且資本  
與礦更為迥異自備本銀一萬兩存儲京中西恆肇金  
店預為請驗以作開辦之需勢難與徒托空言者比乃  
求於終者必慎於始請先為試辦一年期滿即為遵章  
辦理如開辦後銷路暢旺土法出微再購機器局人續  
集股本多寡隨時稟聞至於礦山煤鋼並產燒煉必用



之物擬請將經驗列圖一脈之山煤鋼歸局一律並採  
省於外購免有阻滯俯念

宮保輔國愛民興利除弊宏謀若渴况此硫磺係絕敵自彊  
之急務卑職等謹將遵札邀同礦師履勘宣化府屬礦  
窰山硯確切情形繪圖說妥擬辦法章程恭呈

憲鑒如蒙

恩准懇請發札試採但硫磺有利

國家軍器製造之需請為專歸

北洋免入磺章分制掣肘並請

飭下該管州縣一體遵照辦理實為公便施行肅稟敬請

鈞安伏乞

垂鑒

附呈辦法章程清摺一扣磺山圖說一幅

謹將備本請採宣化府屬硫磺擬章恭呈

憲鑒

一產磺之山距京二百餘里該處荒山並無田廬坟墓  
離城市集鎮寫遠擬於通中之常圖堡地方設立總  
局安爐燒煉駐紮辦公以便遙制各分廠



一該山聯絡七村莊延袤八十餘里擬先土法試煉將來砂旺用繁再為擴充購置機器庶免缺誤

一該處產煤並燒鋼礮煉礪必用之物擬請將聯脉之山煤鋼歸局一律並採免於外購牽制不便

一募設巡役緝捕私偷並彈壓礪丁滋事毆鬪以便小貿行人往來如獲犯立送總局分別發落如遇鬪毆傷人偷犯逞兇就近送該管州縣懲辦

一每日所煉之礪經司事選擇打印鈴字儲存精者歸官製造文取之需劣者入商販民間之用礪面皆有

印花以便分別遇有私運立為辨識以免爭端

一北洋按照工本請定價值如他省購取不得比照銷售各營火藥之用者並商販劣礪於用本酌中核定以便易銷

一礪礪向無官稅民用概屬私偷今化私歸公民用之礪擬請核定下則之稅以防銷路壅滯如商販至各稅卡令客呈單照章納課其單礪皆有官局印花真偽立見如無印花即屬私運扣留懲辦

一局廠用款盡在資本並無請領官款盈絀在局請免



造冊報銷以歸簡易

一年有豐歉穀有長落其礦必於用費合計價值售販與官用有差擬為隨時酌定以免煩言至於局務以統年出入為準所獲以十成計算以二成報効

國家年終解歸北洋驗收以四成護本以防缺陷以四成歸局中新水局費勇糧役食如餘以作股東局人花紅

一總分各局總辦司事諸人薪水勇丁夫役口糧奉難預定立局酌量資本核奪人數撙節開支

一此次稟請設立官礦局以杜私偷振興稅務優劣分明得歸自用免購外人此省款自強之法擬請除此官礦局之外概禁再請設立以絕私謀而免淆混如章程有未盡事宜開局隨時請為添入

一差礦皆屬荒山並無田廬坟墓今燒煉之夫役盡用本地土人以工代賑免集外人來游手如遇山主即為量償其價以順輿情

一承辦硫磺係屬化私歸公利國益民之舉本鉅利微事同報効惟地處荒山一切匪易在局員弁朝夕奔



走不無微勞請為立限獎勵鼓舞人心

一設立總分各局地方遼遠公牘繁多請刊木質關防  
文曰辦理宣化府等處礦煤總局之關防臨文開用  
以昭信守

十二月十二日奉

宮保批稟摺圖說均悉仰候行宣化府飭縣查明究竟有無

窒碍據實稟請核辦此繳十二月初九日

宣化縣會詳底稿

宣化縣為會詳事業查光緒二十九年五月十七日

蒙

本府札飭轉蒙

憲台札開據護衛都爾蘇等具稟擬備本初辦雞鳴峪硫

磺請查核示遵並送章程等情當蒙札飭卑職等查明

有無窒碍詳覆核奪等因即經卑職懼查明雞鳴峪即

係卑縣雞鳴山該處並無產磺惟查縣屬王家樓等並

與卑職世懷來縣毘連之常曠堡有產磺之處查詢該

處鄉民均稱多因硎老山空近來出磺甚微究竟能否

開採當經具文詳覆請飭該護衛等自邀熟悉硫磺磺



師前往各處勘明如可開辦聲明再由卑職等查明  
有無窒碍另文繪圖詳辦等情旋蒙札飭行知該護衛  
等查明在案茲准護衛都爾孫候選通判葛斌同知職  
銜英泰函稱遵即延聘礦師於本年十月二十日會抵  
王家樓等村逐一履勘線脈綿遠礦苗厚藏其質頗佳  
該處貧民因萬山環峙無田可耕挖煉不少無如土人  
盡在沿皮挖掘無力深採見水即廢若求美質非深不  
能得見佳品所謂硯老山空實係由於力微之故其實  
內藏苗質並非不厚復經邀集該處鄉約暨各村公正

土人詢悉此山只產礪煤並無田廬坟墓念謂如開辦  
礪煤本地苦人均有工作實與地方貧民大有裨益等  
情會勘前來並准護衛都爾孫等面述如查明並無窒  
碍可以開辦所有山主或酌給股分或給予山租再行  
妥為開辦等語卑職等當經訂期於十一月十二日馳  
抵該處查得產礪之王家樓槐樹溝胡家莊火石莊譚  
家莊羅家莊西窑溝等七村均歸卑職管轄宣化縣境內  
惟長疇堡係屬卑職世懷來縣管轄隨會同詳細覆勘  
該山綿長七十餘里附近產礪一帶並無廬舍坟墓暨



與地方風水均無妨碍勘畢會訊該管各鄉約甲長並  
察諸輿情僉稱該處山多貧民無田可耕如開礦工地  
方貧民得以工作謀生殊覺沾惠等語當取具該管各  
鄉甲甘結附卷伏思該護衛都爾蘇等請在宣化懷來  
交界之王家樓等村試辦硫磺茲既自行帶同礦師驗  
明磺質厚藏並非硃老山空不可開採現經卑職等會  
勘明確查與地方風水人情並無窒碍應請可否准予  
開辦以興利源所有遵飭會勘護衛都爾蘇等稟請在  
宣懷交界之王家樓村等處試辦硫磺烟煤查與地方

風水人情並無窒碍緣由擬繪圖貼說會詳

憲台查核俯賜

批示祇轉詳示遵實為公便除遵詳

督憲道憲外為此備由另冊具呈伏乞

照詳施行

詳送圖說一紙

十二月二十九日上

宮保夾單稟

敬稟者竊卑職等前以備本請辦宣化府屬硫磺當奉



鈞札飭令卑職等自帶明白熟悉礦確之師往該山確切查勘有無窒碍卑職覆核辦等因卑職等遵即邀同礦師復為逐細詳為履勘該處產礦並出烟煤產燒鋼礱煉礦必須之物捷便省費附近並無田廬坟墓該處土人見卑職等到山老幼懼呼從此貧民有作得以生活當經驗訖繪具圖說擬章於十一月二十八日來

轉稟覆仰蒙

鈞批稟摺圖說均悉仰候行宣化府飭縣查明究竟有無窒碍據實稟請核辦此繳俟經該府縣寄來查明詳覆

底稿與卑職等所稟相同該兩縣並取具該兩處鄉約甲長聲稱並無妨碍地方風水田廬坟墓民情輿論有益貧民各甘結詳覆在案卑職等理宜靜候曷敢冒瀆情緣卑職等所備請驗之款係在京城西恆肇金店該鋪執事之人已同來津聽候查驗但現屆年關伊須同鋪且又值海內多事疏礦實目前軍火之要需而鋪人離津恐悞查詢再四思維惟有叩懇

宮保鴻施就近飭驗賞發札諭以便遵辦請刊用木質關防以昭信守



並請

飭下該管州縣一體遵照辦理實為公便施行肅稟虔叩  
年禧敬請

福安伏乞

垂鑒

致宣化府縣並懷來縣各函賀年節

敬輿太尊  
子淵仁兄大人閣下頃奉

瑶函備荷

錦注

津門拜晤受誨良多想  
元教迴吉定獲佳音也  
捧誦

大稿之周詳使人欽佩而無地茲屆春風入律陽回泰谷

敬維

福並春熙

政同夏大聰

口碑於四野邀

心簡於

一人引領

鶯遷傾枕雀躍弟等津門小住歲暮回都初春仍叩

崇墀再當面聆



雅教遙企

黃堂琴軒咫尺有阻拜獻椒觴惟有心祝而已特此虔賀

年禧敬請

勛安不備

十二月三十日接宣化府來函

津門于役快接

塵談上谷迴轅彌增螳結荷

投桃之重誼愧報李之多疏辰維

潤田華三仁兄大人吉祇咸膺

福禧萃集

青陽布令

宜春書五色祥雲

紫氣凝麻

元日荷

九天湛露引簷

吉采昌聲頌忱弟匆匆就道於月之九日抵署征車

甫息案牘勞形前飭宣化懷來會勘礪礪一節已

據該兩縣稟覆由弟轉稟在案茲將稟稿抄呈望



即

啓聞是荷專此鳴謝敬請

台安諸惟

亮照不備

光緒三十年正月十二日奉

宮保批查現據宣化府縣詳該護衛等擬在宣化懷來兩縣  
交界之王家樓等村試辦礮礦由縣勘明與地方情形  
並無窒碍業經批准先行試辦並令由府查明實在資  
本酌發札諭關防並候行宣化懷來等縣查照此繳

宣化府奉

宮保批據詳已悉護衛都爾孫等在宣化懷來兩縣交界之  
王家樓村試辦礮礦既據該縣等會勘明確與地方情  
形並無窒碍應准先行試辦以興利源仰即飭遵圖說  
存此繳

宣化府宣化縣懷來縣奉

宮保札飭為札飭事據護衛都爾孫等具稟備本試辦宣化  
府屬礮礦請飭驗款並刊發關防等情到本督部堂據  
此除批云等因印發外合行札飭札到該縣即便查



照辦理此札

計粘抄稟

三十年四月二十一日到

宣化府照會

欽加三品銜賞戴花翎補用道調補直隸宣化府正堂兼營務處王為

照照會事照得

貴護衛前擬在宣化府來兩縣交界之王家樓等村試

辦礦礦由該兩縣勘明並無窒碍詳經

督憲札飭敝府查明實在資本酌發札諭關防並批宣

化懷來兩縣將前發章程會同詳核與

貴護衛等議訂妥善稟候核奪批准試辦等因當經分別

移札遵照在案茲經敝府督飭宣化縣眼同查驗

貴護衛等實本資本庫平足銀一萬兩取有郡城各鋪商

驗結所有關防應即遵飭先行由府刊發文日辦理宣化

懷來兩縣礦總局之關防十五字擬合照會

貴護衛希即將關防查收鈐用並祈即將關防收到緣由

及開辦日期報府轉報一面遵照

督憲諭飭迅即將前發章程會同宣懷兩縣詳核議訂妥



善報府轉請核奪酌發札諭試辦幸勿稍延須至照會者

計送關防一顆 右照會 護衛衙門爾孫

光緒三十年四月二十一日

本府官衙公文連至內一件外關防一顆設衛官印 當堂開拆 光緒三十年四月二十日移

直隸總督部堂封 後面預印空白 內件 自天津縣發

光緒三十年正月十二日 右仰護衛官等開拆

官 衡 齋 原稟裁去作批回

光緒三十年正月初二日到

官 衡 表 批

查現據宣化府縣詳核護衛等擬在宣懷兩縣交界之

王家樓等村試辦礦礦由縣勘明與地方情形並無窒碍業經批准先行試辦並令由府飭道在案據稟前情候行該府查明實在資本酌發札諭關防具報仰即前往聽候查驗並候行宣化懷來等縣查照此繳

正月初六日

開篆補印 三人官衙等



